

中國近代文學叢書

上海古籍出版社

海藏樓詩集

增訂本

下

鄭孝胥 著

黃 珣 校點
楊曉波

中國近代文學叢書

上海古籍出版社

海藏樓詩集

增訂本

下

鄭孝胥 著

黃 珪
楊曉波 校點

海藏樓詩卷第十

題丁叔衡畫

壬戌閏五月

世人久見輕，誰歸念逝者？當時相重意，得此蓋已寡。此意殊不忘，耿耿中難捨。偶然見翰墨，何異接杯斝。恒齋廢右肱，左臂猶揮灑。豪情晚未盡，中有淚盈把。曾侯感知已，風義託弓冶。使我書其端，愴懷平生雅。

答梅泉風雨見過

地曠風號勢始張，觸樓益怒轉成狂。垂楊萬縷柔將絕，黃雀一羣輕自翔。揮扇暫停迎晚雨，披襟對坐愛虛廊。灌壇神女應相避，可怪封姨戲海藏。

陳邦懷室胡珏詩

少年豈知有死別，悠悠歸人竟長絕。畢生庸行繫人思，不待高文寫冰雪。事親何殊膝下兒，三載作婦未展眉。九原縱化望夫石，應念人間失耦悲。

九日

十年幾見海揚塵，猶是登高北望人。霜菊有情全性命，夜樓何地數星辰？晚塗莫問功名意，往事惟餘夢寐親。枉被人稱鄭重九，更無豪語壓悲辛。

【校】

「猶是」《日記》作「猶有」。

「有情」《日記》作「伴人」。

「夜樓句」《日記》作「酒杯何地」。

被悲辛」。

「枉被二句」《日記》作「却羨豪情孟東野，夜樓還我舊星辰」。

沈乙盦輓詩

污世安足留，及尸猶一哭。蓋棺事遂已，相逼意何速。宣南舊朋侶，志業付鬼錄。唯

君命稍達，又際世翻覆。萑弘力違天，定鼎繼邾郈。丹心豈可滅，摧折遇殊酷。病中加憤慨，祈死若飲毒。多生證佛果，難脫忠義梏。百年身遽盡，千載名安屬？相期後死責，剝極行當復。

題恭邸移居大連詩後

皇綱昔解紐，舉朝噤無言。二王義不從，倉卒東南奔。十年極窮困，賁志嗟獨存。肅邸已薨。膠灣不可居，遼海聊棲屯。滔天亂未艾，孰能正乾坤？此來儻天意，抱道非難援。孤忠生衆感，氣類自相敦。一朝事機發，羣盜何足論。狂生如夸父，追日愁黃昏。願王慎觀變，延伫依天閭。

梅泉屬賦意大利石像

爲雪爲雲石欲起，皎然羣姝從逼視。神情凜凜絕矜嚴，顛倒搖魂自披靡。負劍辟咥嬰躍懷，蹴毬注睛羿發矢。寒衾虛幌月窺窗，愁君獨居意難止。

陳仁先屬題貨畚圖 以下癸亥

貨畚事怪不可詰，意必景略所自言。一餐之惠猶將報，十倍償直應懷恩。治國才與孔明近，澹泊退讓誰比倫？獨恨意度稍狹隘，睚眦小忿何久存。圖中眉宇絕矯異，於法當貴非長貧。被褐捫蝨更多事，奚取知己來桓溫。

宋廖氏世綵堂河東集書後

草窗始稱韓柳集，韓集點勘頗流傳。謝山跋語又及柳，項宋得此何寂然。嘗爲子京牧仲所藏。東雅濟美相競出，悉祖廖氏如比肩。墨光歐體忽照眼，煥若神明當我前。樂齋適藏郭氏本，借校儻辨誰愚賢？嗟余嗜柳自童稚，六十見此非壯年。猶將抱書誦萬遍，纖穠簡古期華顛。潘君好古不自秘，重價奚吝金累千。賦詩容我題紙尾，願與竹垞爲執鞭。上海潘氏以三千金得之。樂齋，蔣孟蘋號。

題杜茶邨自書詩卷

世亂遂無山水樂，十年面壁海藏樓。
金陵京口詩成卷，却怪茶邨愛遠遊。
蝨蝨竈娘了不爭，違人何礙負時名。
區區節義歸窮士，猶喜諸賢未見輕。

隱几

壯懷綵筆等無靈，隱几猶憐卷帙馨。
幾樹櫻桃花在否，春寒帶雨晚冥冥。

松月居士集印編書後

少喜摹刻稍廢事，介節見之戒勿爲。
虞臣叔祖私謚介節。所見常疑後者勝，皖浙雖盛難詭隨。
近年古鉢益競出，始知秦漢猶莫追。
直學古人法不盡，何取派別相瑕疵。
成邸舊蓄號至博，松月收集尤多奇。
我雖棄去心終喜，當世苦鐵吳倉碩稱老師。
吾印八九出吳手，樸雅視古無愧辭。
此編新異又最晚，風行一世大何疑。

題乙盦臨終書蹟

蹀躞意未斂，沈吟神更遒。九原如可作，下從忠端遊。

酬石遺題盟鷗榭詩

鷗榭三陳隔江居，石遺士可及善餘。士可健遊善餘病，石遺時時猶我俱。當年武漢不忍道，朋交變幻誰吾徒？寒盟於鷗復何責，老我久化爲鷗鷗。更營此榭傍松石，江神竊笑將擲掄。與君席地尋舊夢，自詡雙鳥殊未孤。傷心黃鶴去不返，但見舉世騰羣狙。南皮殘客今有幾？寧處溝壑非泥塗。

梅泉屬題劉彥沖

泳之臨明吳次翁

偉修文會贈言圖卷

彥沖貧而文，養母終不娶。母歿亦旋卒，故友表其墓。其友江弢叔，感逝詩無數。乃云最善畫，難見空想慕。梅泉愛弢叔，短卷孰相付。卷中寫人物，雋筆生澹趣。閒閒若無意，冉冉胸自吐。絕非畫工藝，祇有天機露。平生輕戴吳，少見論頗誤。泠泠性真語，已過

初不護。以此思其人，賢達多妙悟。江詩不吾欺，得之信奇遇。

盟鷗榭之北作一峯名碧雲白

捫胸極坦蕩，何時幻嵯峨。爲山僅二仞，倒影臨池波。袖中出太華，夜負煩夸娥。兒童盡驚倒，勢欲蒼蒼摩。鬼鑿混沌竅，靈探星宿窩。碧雲飛未起，作態猶婆娑。篆文志其脅，安知非皇媧。小窗學趺跏，盡日對吟哦。祇愁風雨來，跋扈如天魔。挾山以超海，老矣將奈何。

孝胥以戊戌九月出京至庚戌七月入京凡十三年有詩紀之辛亥九月出京至癸亥七月入京亦十三年且出京皆以九月入京皆以七月悟而嗟嘆自念生逢世亂窮老無所就復爲此詩

世棄天留等可哀，黍離荆棘更能來。還從銅輦尋殘夢，早向昆明辨劫灰。吞炭漆身殊未避，觸山逐日漫相猜。兩朝國士虛名在，駿骨聊堪比郭隗。

【校】

「復爲此詩」「詩」字下《日記》尚有「後世或有悲之者」七字。

湯山行宮

神京未邱墟，狐鼠遽窟穴。十年玉座移，萬事成瓦裂。此泉有至性，不改當時熱。我來豈忘敬，照影久鳴咽。浮雲水中過，倏忽幾變滅。羣松如耆舊，亂事從頭說。莫令污吾聽，洗耳就歸轍。沙河雙石橋，鬱麗猶積雪。停車不能去，悵望念豪傑。聊爲洛生詠，坐待洪流絕。

開縣李節母林夫人詩

爲婦而無子，猶以孝自名。爲子而顯母，何必己所生。高門重禮義，節孝良易成。豈知有至難，蓬戶同艱貞。亂世競放誕，恥以義制情。相率入儇薄，人紀將俱傾。勗哉李使君，毋忘世簪纓。

張忠武輓詩

受爵於公朝，拜恩於私室。大義久不明，知己皆私暱。將軍懷國恩，成敗所弗恤。依違爲袁氏，晚舉猶未失。惜哉羣疑萃，一蹶太倉卒。平生欠謀面，忠烈感吾筆。使我早識公，救敗豈無術。猶當歌正氣，坐待桑榆日。

爲蔥奇題羅兩峯畫竹卷子

竹性勁直又瀟灑，難得天機來筆下。會心不遠妙能追，取勢誰如兩峯者。人言善書必善畫，此語似是而非也。陰晴風雨滿卷中，置我已在蒼梧野。

榮縣趙府君詩

榮縣趙御史，告哀喪其兄。弟兄過七十，相愛猶孩嬰。此世真惡世，此事嗟誰能？憶昔光緒中，天地多青蠅。御史立朝端，轟轟有直聲。文字絕雄麗，才華極飛騰。公卿徒側目，親貴誰敢撓？府君方力農，所居近縣城。安知御史貴，惟念手足情。食貧久習苦，五

十衣不繒。亡何世翻覆，山河隨傾崩。御史能自歸，殊非衣錦榮。解衣衣吾弟，推食食同生。吾弟乃貴人，豈逐惡子行。吾弟乃賢人，豈避羣盜憎。世途從萬變，元氣留家庭。御史懷才雄，無用久見輕。一讀告哀辭，使我涕泗零。喪恥而趨時，知免賴神明。守死幸自信，白日非幽冥。

入都車中和病山韻

聞命須爲歲暮行，敢辭風雪犯崢嶸。暗鳴朔吹車初發，浩蕩江聲夜欲明。憂患萬端天正醉，蹉跎一老世方輕。病山此作增人氣，衆濁何妨號獨清。

蒲母謝太君七十詩

儉不患貧殊有味，外物難奪理尤至。一生閱歷得名言，高明婦人世誰比？從亂人皆託養親，誣親鳴孝豈爲仁。蒲君只守高堂訓，舞綵稱觴歲歲春。

書言母丁夫人傳後

以下甲子

積誠能動天，此理難悉究。療疾既無策，刲股豈能救？事急天亦窮，神識轉昏瞶。謬云誠可格，愚孝空蒙詬。夫人有高才，智出婦女右。胡爲屢出此，不脫儒者陋。智盡誠乃見，至行世罕覩。莫疑天無知，食報在其後。

答周梅泉

霧雨冥濛春暗回，柳芽未吐已含苔。池魚久伏猶思動，石壁和雲亦漸開。運會或隨樞斗轉，陰寒休怯越兵來。高情誰似周居士，參透天心向早梅。

消寒會示坐中

雲霾霧塞不成春，密雨旋風暗海濱。酌酒可無迴日意，聞雞猶有戴天人。未應豺虎窮吾道，小集衣冠慰衆賓。祇待少康收舊物，期君共踏軟紅塵。

答莊思緘

跳盪縱橫不足言，張顛取勢出公孫。
甘將故技捐除盡，成就平原屋漏痕。
茹蔬諷佛莊夫子，自懺平生十斗才。
應念龍編舊歸客，猶持殘筆守書堆。

又爲思緘題所藏二帖

官帖久紛紜，何處尋用筆。墨卿與古人，相見太虛室。
宋刻官帖第九卷，伊墨卿有題字。
既以斷爲連，復以斜爲正。字字巧相銜，得之法當聖。
歐陽信本草書千文。

二月初五日內務府夜直

初月猶依魄，虛衙欲斂陰。星河天脈脈，宮禁夜沈沈。
曙意鴉先覺，憂端蝶獨尋。寧知將壓喻，未盡杞人心。

夜直雜詩

亂後離形更絕蹤，倚樓惟覺海吞胸。
如何束縛酬知己，便向人間事董龍。
補履干將敢自珍，卅年養氣刃如新。
淮陰未合尸無賴，孰視真爲胯下人。
謬臺歷級苦難窮，況瘁終憐效小忠。
阿堵平生憎出口，而今翻作囁嚅翁。
恩遇何曾得寸酬，蛾眉謠詠轉遺憂。
冬郎欲畢金鑾記，未必朱梁許暫留。
高鳥猶難避網羅，營巢幕燕意如何。
宮中莫愛魚龍戲，四面宵來是楚歌。
忍辱懷憂志久違，朝回亦已換春衣。
宣南花事何心問，開盡櫻桃我未歸。

三月初十日夜直

主辱臣不憂，或乃以爲快。盜臣猶稱臣，大盜不以械。楚歌殊逼人，耳熟亦無怪。忍能扼其吭，毒螫過蜂蠆。遠臣來禁近，力抗甚矣憊。夢中天壓已，無助理當敗。

大王事獯鬻，句踐亦事吳。以此慰吾主，能屈誠丈夫。一慚之不忍，而終身慚乎？勿云情難堪，且復安須臾。

天命將安歸，要觀人所與。苟能得一士，豈不勝多許。貍首雖寫形，聊以辟羣鼠。持危誰同心，相倚譬蛩驅。

仰觀鬱彼蒼，星斗挂宮闕。理亂若不聞，碧海行孤月。與人家國事，書空徒咄咄。同舟而遇風，何敢望胡越。既來忍遽去，插手恐難歇。倦甚可入夢，暫息在恍惚。

余紹宋求題梁格莊會葬圖

梁星海葬處

梁墓還依梁格莊，一時臨穴比三良。人生死所真難覓，未許青山戀故鄉。

四月初五日夜直

仙人忍辱在高堂，繞指元來百鍊鋼。玉碎瓦全真好語，可堪悲壯出君王。班彪《王命論》猶新，又過今年甲子春。日者橋邊休縱語，命中終恐是遺民。祈死誰知士燮哀，苟全性命且徘徊。王城依舊人如海，名德翻推褚彥回。十丈紅塵日暮時，敝車羸馬欲安之？年來已自耽岑寂，却爲聞歌更惹悲。苑樹宮牆返照黃，小窗淨几味偏長。銷磨一日吾何惜，便借衙齋作道場。

人間懷璧能爲罪，今日天家念匹夫。持是安歸應自省，兵戈豺虎塞前途。
鄜州杜老費清才，誰信忘家有此回？獨寐鳳城人未起，一窗斜月枕邊來。

【校】

〔翻推〕《日記》作「須推」。

六月十七日偕味荃貽書彥強三貝子園觀荷

荷香久乃聞，荷葉氣彌滿。初日加清涼，一碧已照眼。澀甘得殊味，襲人千步遠。深紅絕可念，風露凝未散。曲橋映高柳，縱望凡幾轉。雨餘況無塵，渴障解舌本。神清忽坐忘，語妙涉奧衍。芙蕖蓮菡萏，菡萏字尤典。生機何玲瓏，造物巧莫闡。從人恣諦視，孰究頃刻變。豈徒比木樨，意會吾無隱。諸君熟《爾雅》，釋草卷試展。却哂樊川文，女婦喻猶淺。

莊思緘秋窗感舊圖

愧室平生交，子順纔數面。披君《秋窗圖》，使我懷難遣。賡吳初未識，實重子順薦。